

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Коми Республикаын морт инӧдъяс торъя дорйысь йылысь» Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса
Каналан Сӧветӧн

2021 вося урасьӧм тӧлысь 18 лунӧ

1 статья. Пыртны «Коми Республикаын морт инӧдъяс торъя дорйысь йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2015, 21 №, 275 ст.; 26 №, 363 ст.; 2016, 9 №, 101 ст.; 2016, 12 №, 148 ст.) татшӧм вежсьӧмъяс:

1. Водзкывсӧ киритны:
2. 1 да 2 статьяяс гижны тадзи:

«1 статья

1. Тайӧ Оланпасӧн «Россия Федерацияса субъектъясин мортлысь инӧдъяс торъя дорйысь йылысь» Федеральнӧй оланпас (водзӧ – Федеральнӧй оланпас), «Россия Федерацияса субъектъяслӧн оланпас пыртысь (бӧрйӧм) да олӧмӧ пӧртысь канму власьт органъяс котыртан ӧтувъя принципъяс йылысь» Федеральнӧй оланпас серти сы могысь, медым могмӧдны Коми Республика мутасын мортлысь да гражданинлысь инӧдъяссӧ да вӧлясӧ канмусянь доръян содтӧд гарантияссӧ, урчитӧны Коми Республикаса канму чин – Коми Республикаын морт инӧдъяс торъя дорйысь (водзӧ – Инӧдъяс торъя дорйысь).

2. Инӧдъяс торъя дорйысьлӧн уджыс лоӧ мортлысь да гражданинлысь инӧдъяссӧ да вӧлясӧ доръян средствояс дорӧ содтӧдӧн, кутшӧмъяс эмӧсь, оз дугӧд да оз кыскы торкалӧм инӧдъяс да вӧля дорйӧмсӧ да бӧр сетӧмсӧ могмӧдысь канму органъяслысь компетенция выльысь видлалӧмсӧ.

3. Федеральнӧй оланпасын, тайӧ Оланпасын индӧм средствоясӧн Инӧдъяс торъя дорйысь отсалӧ бӧр сетны мортлысь да гражданинлысь торкалӧм инӧдъяссӧ да волясӧ, бурмӧдны мортлысь да гражданинлысь инӧдъяс да вӧля доръян юкӧнын Коми Республикаса оланпастэчассӧ, муниципальнӧй нормативнӧй инӧда актъяссӧ, паськӧдны мортлӧн да гражданинлӧн инӧдъясӧ да вӧляӧ кутчысян, найӧс доръянногъяс да методъяс юкӧнын инӧд боксянь тӧдӧмлунсӧ, а сӧдзжӧ сӧвмӧдны мортлӧн инӧдъяс юкӧнын войтыркостса ӧртасьӧмсӧ.

4. Инӧдъяс торъя дорйысьлӧн пыр меститчанӧн лоӧ Сыктывкар.

2 статья

1. Инӧдъяс торъя дорйысь уджлӧн инӧда подулӧн лоӧны Россия Федерацияса Оланподув, ставӧн пыдди пунктана принципъяс да войтыркостса инӧд нормаяс, Россия Федерациялӧн войтыркостса

сёрнитчёмъяс, федеральной оланподув оланпасъяс, Федеральной оланпас, мукöd федеральной оланпас да Россия Федерацияса мукöd нормативной инöда акт, Коми Республикаса Оланподув, тайö Оланпас, Коми Республикаса мукöd оланпас да Коми Республикаса мукöd нормативной инöда акт.

2. Инödъяс торъя дорйысьлөн уджыс подуласьö веськыдлун, мортсям, оланпаслы лöсялём, йöзлы восьсалун, некодарö сетчём принципъяс вылö.

3. Инödъяс торъя дорйысь ассьыс уджмогъяссö збыльмөдигөн оз пыр кутшöм-либö канму органьяслөн да чина йöзлөн веськөдлём улö, а сідзжö оз сет налы отчётъяс.».

3. 3 статья гижны тадзи:

«3 статья

1. Инödъяс торъя дорйысь чинö вермöны индины Россия Федерацияса гражданинöс, кодлы тырöма 30 арöс, кодлөн эм зэв бур репутация, кодлөн эм вылыс тöдöмлун, а сідзжö мортлөн да гражданинлөн инödъяс да вöля юкöнын тöдöмлуньяс, найöс дорьян опыт.

2. Инödъяс торъя дорйысь чинö кандидатлөн оз вермы лоны суйöрсайса канмуын гражданство либö олём вылö кабала либö мөд документ, кутшöм эскөдö Россия Федерацияса гражданинлысь суйöрсайса канму мутасын пыр олём вылö инöдсö.».

4. 5 статьяын:

1) 2 юкөнса 3 пунктын «кандидатлөн уджпас небöг, мукöd документ копия» кывъяс вежны «кандидатлөн уджпас небöг копия да (либö) уджалём йылысь тöдмөгъяс, кутшöмъяссöс оформитöма оланпастэчасөн урчитём пöрадокын, уджалём да (либö) öтйöза удж йылысь мукöd документ копияс» кывъясөн;

2) 6 юкөн гижны тадзи:

«6. Инödъяс торъя дорйысь чинö кандидатураяссö видлавтöдз Коми Республикаса Каналан Сöвет сöгласуйтö найöс Россия Федерацияын мортлысь инödъяс торъя дорйыськөд.»;

3) содтыны татшöм сюрöса 8 юкөн:

«8. Инödъяс торъя дорйысь чинö индöмаөн лыддьöны кандидатöс, код вöсна гөлöсуйтöма Коми Республикалөн Каналан Сöветса бöрийём депутатъяс лыдысь унджыкыс.».

5. 6 статьяса 3 юкөнö «заседание дырйи» кывъяс бöрын содтыны «Коми Республикаса канму кывъяс вылын» кывъяс.

6. 7 да 8 статьяяс гижны тадзи:

«7 статья

1. Инödъяс торъя дорйысьöс индöны чинö 5 вося кадколаст вылö. Инödъяс торъя дорйысьлысь уджмогъяс збыльмөдан кадколастсö лыддьöны сылөн чинö пыран лунсянь.

Инödъяс торъя дорйысьлы ассьыс уджмогъяссö олёмö пöртан кадколаст чöжөн быть колö пыр овны Коми Республика мутасын.

2. Коми Республикаса Каналан Сöветөн уджмогъяс збыльмөдан

кадколаст помасьёмыс либё сійёс лэдзалём вёсна оз дугёдны Инёдъяс торъя дорйысьлысь уджмогъяссё.

3. Оти и сійё жё мортыс вермё уджавны Инёдъяс торъя дорйысь чинын помся кык кадколастысь оз унджык.

4. Инёдъяс торъя дорйысь оз вермы:

1) кутны суйёрсайса канмуын гражданство либё олём вылө кабала либё мёд документ, мый эскөдө Россия Федерацияса гражданинлысь суйёрсайса канму мутасын пыр олём вылө инөдсё;

2) өттшөтш лоны Россия Федерацияса сенаторён, Россия Федерацияса Федеральнөй Собраниелөн Каналан Думаса депутатён либё Россия Федерацияса субъектлөн канму власьт оланпас пыртысь (бөрйөм) органса депутатён, уджавны Россия Федерацияса мукөд канму чинын, Россия Федерацияса субъектлөн мукөд канму чинын, муниципальной чиньясын, а сідзжө лоны канму либё муниципальной службаын;

3) нуөдны ашшөр удж аслыс либё эскана йёз пыр, пырөдчыны коммерческой организацияён веськөдлөмө либё абу коммерческой организацияён веськөдлөмө, «Коррупциялы паныд удж нуөдөм йылысь» Федеральнөй оланпасён да мукөд федеральнөй оланпасён урчитөм случаяс кындзи;

4) вөчны мукөд мынтысяна либё мынтысьтөм удж, велөдан, наука да мукөд творчество удж кындзи. Та дырйи велөдан, наука да мукөд творчество уджыс оз вермы могмөдсьыны сьөмөн сөмын суйёрсайса канмуяслөн тшөт весьтө, войтыркостса да суйёрсайса организацияс тшөт весьтө, суйёрсайса граждана лён да гражданствотөм йөзлөн тшөт весьтө, сэк, кор мукөдторсё абу урчитөма Россия Федерацияса войтыркостса сёрнитчөмөн либё Россия Федерацияса оланпастэчасён;

5) лоны кансяма ютырө либё политика могъяс збыльмөдысь мукөд өтйөза өтувө пырысьён.

5. Инёдъяс торъя дорйысь вылө паськалёны мукөд дзескөдөм, а сідзжө кывкутана мог, кутшөмъясөс «Коррупциялы паныд удж нуөдөм йылысь» Федеральнөй оланпасён урчитөма Россия Федерациялөн субъектыясса канму чиньясын уджалысь йёз серти.

6. Инёдъяс торъя дорйысьлы быть колө дугөдны сылөн статуслы лөсвятөм уджсё, а сідзжө недыр кад кежлө дугөдлыны кансяма ютырө пырөмсё ассьыс уджмогъяс збыльмөдан период вылө чинө пыран лунсянь 14 лунысь оз сёрджык.

7. Сэк, кор тайө статьяса 6 юкөнын индөм кадколаст чөжөн Инёдъяс торъя дорйысь оз збыльмөд индөм корөмъяссё, сылысь уджмогъяссё дугөдөны, да Коми Республикаса Каналан Сөвет индө выль Инёдъяс торъя дорйысьёс тайө Оланпаслөн 5 статьяён урчитөм пөрадокын.

8. Инёдъяс торъя дорйысьлы сэк, кор эмөсь помкаяс, да пөрадокын, кутшөмъясөс урчитөма тайө юкөнөн, «Коми Республикаын коррупциялы паныд удж нуөдөм йылысь» Коми Республикаса Оланпасён, быть колө юөртны Коми Республикаса Каналан Сөветөн Веськөдлысьлы сы йылысь, мый ассьыс уджмогъяс збыльмөдигөн артмө ас коланлун, мый вайөдө либё

вермө вайөдны интересъсын ёсьлунө, а сідзжө примитны татшөм конфликт бырөдан либө ладмөдан мераяс «Коррупциялы паныд удж нуөдөм йылысь» Федеральнөй оланпаслөн корөмъяс серти.

Татшөм юөртөмлы подулөн лоө торъя лоөмтор, кор Инөдъяс торъя дорйысьлөн сыөн асьыс уджмогъяс збыльмөдігөн артмө ас коланлун, мый вайөдө либө вермө вайөдны интересъсын ёсьлунө.

Ас коланлун артмөм йылысь юөртөмсө оформитөны гижөмөн Инөдъяс торъя дорйысьөн асьыс уджмогъяс збыльмөдігөн ас коланлун, мый вайөдө либө вермө вайөдны интересъсын ёсьлунө, артмөм йылысь уведомлениеөн (водзө – уведомление).

9. Уведомлениесө колө кырымавны Инөдъяс торъя дорйысьлы да колө, медем сәні сы лыдын вөліны:

1) лоөмторъяс, кутшөмъяс лоисны ас коланлун артман подулөн;

2) Инөдъяс торъя дорйысьлөн уджмогъяс, кутшөмъясөс збыльмөдөм вылө төдчө либө вермө төдчыны ас коланлуныс;

3) интересъсын ёсьлунысь өлөдөм либө сійөс ладмөдөм серти примитан мераяс.

10. Инөдъяс торъя дорйысьлы быть колө кутчысьны мукөд корөмө, дзескөдөмө да кутөдө, кутшөмъясөс урчитөма Федеральнөй оланпасөн, мукөд федеральнөй оланпасөн, Коми Республикаса оланпасъясөн.

8 статья

1. Инөдъяс торъя дорйысьлысь уджмогъяссө дугөдөны сійө кадсянныс, кор чинө индөма выль Инөдъяс торъя дорйысьсө, случайяс кындзи, кор тайө статьяса 2 юкөн серти уджмогъяссө дугөдөны кадысь водз.

2. Федеральнөй оланпаслөн 8 статьяса 2 юкөнөн урчитөм случайясын Инөдъяс торъя дорйысьлысь уджмогъяссө кадысь водз дугөдөны Коми Республикаса Каналан Сөветлөн помшуөм серти.

3. Федеральнөй оланпаслөн 8 статьяса 3 юкөнөн урчитөм случайясын Инөдъяс торъя дорйысьлысь уджмогъяссө сідзжө вермөны дугөдны кадысь водз Россия Федерацияын морт инөдъяс торъя дорйыськөд консультируйтчөм бөрын Коми Республикаса Каналан Сөветлөн помшуөм серти.

Консультацияс нуөдөм могысь Коми Республикаса Каналан Сөветөн Вескөдлысь Коми Республикаса Каналан Сөветө документъяс, кутшөмъяс эскөдөны, мый Инөдъяс торъя дорйысьлысь уджмогъяссө кадысь водз дугөдөм вылө эмөсь Федеральнөй оланпаслөн 8 статьяса 3 юкөнөн урчитөм подувъяс, воан лунсянь 5 уджалан лун чөжөн ыстө индөм документъяслысь копияссө Россия Федерацияын морт инөдъяс торъя дорйысьлы.

4. Инөдъяс торъя дорйысьлысь уджмогъяссө кадысь водз дугөдан юалөмъяссө видлалөны Коми Республикаса Каналан Сөветлөн Уджаланарт серти.

5. Инөдъяс торъя дорйысьлысь уджмогъяссө кадысь водз дугөдөм йылысь помшуөмсө примитөны Коми Республикалөн Каналан Сөветса

бөрйом депутатъяс лыдысь унджык гөлөсөн.

6. Сэк, кор Инөдъяс торъя дорйысьлысь уджмогъяссө дугөдөма кадысь водз, Коми Республикаса Каналан Сөветлы быть колө индыны выль Инөдъяс торъя дорйысьсөс воддза Инөдъяс торъя дорйысьлысь уджмогъяссө кадысь водз дугөдөм йылысь помшуом примитан лунсянь 60 лунысь оз сёрджык.

7. Выль Инөдъяс торъя дорйысьсөс индöны тайö Оланпаслөн 5 статьяөн урчитөм пöрадокын, та дырйи тайö Оланпаслөн 5 статьяса 1 да 2 юкөнъясын индөм кадколастъяссө чинтöны кык пöв.».

7. 9 статьяса 1 юкөн гижны тадзи:

«1. Россия Федерацияса гражданин, суйöрсайса гражданин либö гражданствотөм морт (водзö – шыödчысьяс) вермöны шыödчыны Инөдъяс торъя дорйысь дорö гижөмөн либö электроннöй документөн норасьöмөн, вöзйöмөн либö заявлениеөн, а сідзжö ас сёрни дырйи вомгорөн.

Сэк кор, эм юөр сы йылысь, мый массöвöя либö чорыда торкалöма мортлысь да гражданинлысь инөдъяссö да вöлясö, либö сэк, кор случайясыс лöны йöзкотырын тöдчанаөн либö йитчöма йöзлысь интересъяс дорйöмкөд, кодъяс оз вермыны асьныс вöдитчыны инөд боксянь доръян средствоясөн, Инөдъяс торъя дорйысь вермö ас кöсйöм серти нуödны лöмторъяс серти прöверка да примитны лöсялана мераяс аслас компетенцияын.».

8. 10 статья киритны.

9. 11 – 21 статьяяс гижны тадзи:

«11 статья

1. Инөдъяс торъя дорйысьлы сетөм норасьöм (водзö – норасьöм) улын гөгөрвоöны шыödчысьлысь инөдъяс да вöля, кутшöмъясöс торкалöма (торкалöны), сылөн видзөдлас серти, Коми Республика мутасын уджалысь федеральнöй олөмö пöртысь власьт органъясса мутас органъяслөн, Коми Республикаса канму власьт органъяслөн либö Коми Республикаса мукөд канму органлөн (водзö – канму органъяс) (Коми Республикаса Каналан Сөвет кындзи), Коми Республикаын меставывса асвеськөдлан органъяслөн, мукөд муниципальнöй органлөн (водзö – муниципальнöй органъяс), Коми Республика мутасын уджалысь организацияслөн, кодъяслы сетöма торъя канму либö мукөд публичнöй уджмогъяс (водзö – организацияяс), помшуöмъясөн да вöчөмторъясөн (вöчтөмторйөн), дорйөм да бөр сетөм йылысь корөм сэк, кор шыödчысь водзынджык обжалуйтис тайö помшуöмъяссö либö вöчөмторъяссö (вöчтөмторсö) ёрд либö административнöй пöрадокын, но абу сöглас сылөн норасьöм серти примитөм помшуöмъясөн.

2. Норасьöмсö оформитöны Федеральнöй оланпаслөн 9 статьяөн урчитөм корөмъяс серти.

12 статья

Норасьöмъяссö да мукөд шыödчөмсö, кутшöмъясöс сетöмаöсь Инөдъяс торъя дорйысьлы мырдөн кутанінъясысь йöз, ыстöны Инөдъяс

торья дорйысылы Федеральной оланпаслөн 9 статьяөн урчитём пöрадокын да кадколастö.

13 статья

1. Инöдьяс торья дорйысь видлалö шыöдчысылысь норасьöмьяссö да мукöд шыöдчöмсö Федеральной оланпаслөн 9 да 10 статьяясөн урчитём пöрадокын да кадколастьясö.

Шыöдчысыслысь шыöдчöмьяссö видлалигөн Инöдьяс торья дорйысь вöдитчö «Россия Федерацияса гражданылысь шыöдчöмьяс видлалан пöрадок йылысь» Федеральной оланпасөн урчитём пöрадокөн, Инöдьяс торья дорйысьөн норасьöмьяссö видлавны примитан да видлалан аслыспöлöслуньяссö, кутшöмьясöс урчитёма Федеральной оланпаслөн 9 да 10 статьяясөн, сы лыдын норасьöмьяс видлалан кадколастьяссö тöд вылö босьтöмөн.

2. Инöдьяс торья дорйысылы канму, коммерческой либö оланпасөн дорьян мукöд гуся юöрсö сетöны Россия Федерацияса оланпастэчас серти.

3. Инöдьяс торья дорйысь оз вермы йöзöдны шыöдчыслөн либö мукöд йöзлөн ас олём йылысь тöдмөгьяссö, кутшöмьясöс сийö тöдмалис норасьöмсö видлалигөн, налөн гижём сöгласлунтөг.

14 статья

1. Норасьöмьяссö видлалигөн Инöдьяс торья дорйысь вöдитчö Федеральной оланпаслөн 10 статьяөн урчитём инöдьясөн.

2. Норасьöмьяссö видлалём бöрын Инöдьяс торья дорйысь вермö примитны Федеральной оланпаслөн 11 статьяөн урчитём мераяс.

3. Мортлысь да гражданинлысь инöдьяс да вöля торкалём йылысь юөр видлалём да анализируютём, норасьöмьяс видлалан кывкöртöдьяс öтутвөтём бöрын Инöдьяс торья дорйысь вермö:

1) вöйыны Россия Федерацияса оланпастэчас серти нуöдны öтйöза прöверкаяс да öтйöза экспертиза;

2) шыöдчыны Коми Республикаса Каналан Сöветö мортлысь да гражданинлысь инöдьяс да вöля торклöмьяс серти кывзöмьяс нуöдём йылысь вöйöмөн, а сіджö веськыда либö аслас петкöдлысь пыр пырöдчыны наö.

15 статья

1. Федеральной оланпаслөн 17 статьяса 1 юкөн серти канму органьяс, муниципальной органьяс, организацияяс, налөн чина йöз, канму да муниципальной служащöйяс, индём органьясса да организациясса уджалысыяс:

1) отсалöны Инöдьяс торья дорйысылы сылы сетём уджмогьяс збыльмöдöмын;

2) сетöны Инöдьяс торья дорйыслөн запросьяс серти сылысь уджмогьяссö збыльмöдём вылö колана тöдмөгьяс, документьяс,

материалъяс, мукöд юör запрос босьтан лунсянь 15 лунысь оз сёрджык сэж, кор запросын абу урчитöма мöд кадколастсö.

2. Канму органö, муниципальной органö, организацияö, чина мортлы, кодъяслы Федеральной оланпасын 11 статьялön 1 юкöнса 1 пункт серти воисны Инöдъяс торъя дорйыссянь рекомендацияяс, быть колö налön воан лунсянь 30 лун чöжön видлавны найöс да гижöмön юörtны Инöдъяс торъя дорйысылы примитöм мераяс йылысь.

16 статья

1. Инöдъяс торъя дорйысь öтув уджалö федеральной олöмö пöртысь власьт органъясса мутас органъяскöд Федеральной оланпаслön 10 статьяön урчитöм пöрадокын.

2. Инöдъяс торъя дорйысь сылы сетöм уджмогыяссö збыльмöдöм могысь öтув уджалö канму органъяскöд, муниципальной органъяскöд, öтйöза öтувьяскöд да организацияскöд, кодъяс дорйöны мортлысь да гражданинлысь инöдьяссö да вöлясö.

3. Федеральной оланпаслön 17 статьяса 2 юкöн серти Инöдъяс торъя дорйысь аслас уджын юалöмъяс серти вöдитчö канму органъясса, муниципальной органъясса, организациясса юрнуöдысьяскöд да мукöд чина йöзкöд, а сiдзжö мырдön кутанiнса администрацияскöд дзик пыр аддзысьлыны верман инöдön.

4. Коми Республикаын артмöдöм öтйöза видзöдан комиссияяс быд во календарной во помасьöм бöрын 30 лунысь оз сёрджык ыстöны Инöдъяс торъя дорйысылы мырдön кутанiнын мортлысь инöдъяс могмöдöм бöрся öтйöза контроль збыльмöдан кывкöртöдъяс серти материалъяссö.

5. Сэж, кор Коми Республикаса нормативной инöда актъясын, муниципальной нормативной инöда актъясын эрдöдöма тырмытöмторъяс либö тöд вылö босьтöм торъяс, кутшöмъяс вöсна, Инöдъяс торъя дорйыслön видзöдлас серти, вермасны торксыны мортлön да гражданинлön инöдьясыс да вöляыс, Инöдъяс торъя дорйысь вермö ыстыны Коми Республикаса канму власьт органъясö, Коми Республикаса мукöд канму органö, Коми Республикаын меставывса асвеськöдлан органъясö Коми Республикаса оланпасъяс, Коми Республикаса мукöд нормативной инöда акт, муниципальной нормативной инöда актъяс, кутшöмъяс инмöны мортлön да гражданинлön инöдьясö да вöляö, бурмöдöм серти вöзйöмъяс.

17 статья

1. Инöдъяс торъя дорйысь вермö пырöдчыны мортлысь инöдъяс доръян юкöнын дiнмукоствса ёртасьöмö.

2. Инöдъяс торъя дорйысь отсалö сöвмöдны мортлысь инöдъяс доръян юкöнын дiнмукоствса ёртасьöмсö.

18 статья

Сы могысь, медым паськӧдны мортлӧн да гражданинлӧн инӧдьяс да вӧля, найӧс дорьяннӧгьяс да методьяс юкӧнын инӧд йылысь тӧдӧмлунсӧ, Инӧдьяс торья дорйысь вӧдитчӧ Федеральной оланпаслӧн 15 статьяӧн урчитӧм инӧдьясӧн.

19 статья

1. Инӧдьяс торья дорйысь бердын сы могысь, медым сетны консультативной отсӧг, вермӧны лӧсьӧдны консультативной (экспертной) совет, кодӧ уджалӧ дон босьттӧг.

2. Инӧдьяс торья дорйысь бердын консультативной (экспертной) советӧ пырӧны специалистьяс, кодьяслӧн эмӧсь мортлӧн да гражданинлӧн инӧдьяс да вӧля юкӧнын колана тӧдӧмлунгьяс да (либӧ) найӧс дорьян опыт.

3. Инӧдьяс торья дорйысь вынсьӧдӧ Инӧдьяс торья дорйысь бердын консультативной (экспертной) совет йылысь положениесӧ да сэтчӧ пырысьяссӧ.

20 статья

1. Календарной во помасьӧм бӧрын куим тӧлысьысь оз сӧрджык Инӧдьяс торья дорйысь ыстӧ Коми Республикаса Каналан Советӧ, Коми Республикаса Юралысьлы, Коми Республикаса Воськӧдлан котырӧ, Россия Федерацияын мортлысь инӧдьяс торья дорйысьлы, Коми Республикаса Медвылысь Ёрдӧн веськӧдлысьлы, Коми Республикаса прокуратураӧ, Коми Республикаса ӧтйӧза палатаӧ аслас удж йылысь быдвоя доклад.

2. Инӧдьяс торья дорйысь индӧ быдвоя докладлысь тэчассӧ.

3. Инӧдьяс торья дорйысь ачыс лыддьӧ Инӧдьяс торья дорйысьлысь быдвоя докладсӧ Коми Республикаса Каналан Советлӧн заседание дырйи.

4. Инӧдьяс торья дорйысь вермӧ ыстыны Коми Республикаса Каналан Советӧ, Коми Республикаса Воськӧдлан котырӧ, Коми Республикаын меставывса асвоськӧдлан органьясӧ мортлысь да гражданинлысь инӧдьясӧ да вӧлясӧ торкалан торья юалӧмгьяс серти докладгьяс.

5. Инӧдьяс торья дорйысьлысь быдвоя докладсӧ, мортлысь да гражданинлысь инӧдьясӧ да вӧлясӧ торкалан торья юалӧмгьяс серти Инӧдьяс торья дорйысьлысь докладгьясӧ йӧзӧдӧны «Ӧтуввез» юӧртан да телекоммуникация везйын Инӧдьяс торья дорйысьлӧн официальной сайтын календарной во помасьӧм бӧрын куим тӧлысьысь оз сӧрджык. Инӧдьяс торья дорйысьлысь быдвоя докладсӧ, мортлысь да гражданинлысь инӧдьясӧ да вӧлясӧ торкалан торья юалӧмгьяс серти Инӧдьяс торья дорйысьлысь докладгьясӧ вермӧны йӧзӧдны Инӧдьяс торья дорйысьлӧн учредитӧм йӧзӧс юӧртан печатной средствоын да (либӧ) «Коми Республикаса канму власьт органьяслӧн бюллетень» журналын.

21 статья

Торъя дорйысылы оланпас серти уджын мытшодъяс лосьодомысь кыскöны административнöй кывкутöмö «Коми Республикаын административнöй кывкутöм йылысь» Коми Республикаса Оланпас серти.».

10. 22 статьяын:

1) 1 юкöнын:

а) «Инöдъяс торъя дорйысьöс öтйöза петкöдлысьяс (водзö – öтйöза петкöдлысьяс)» кывъяс вежны «отсасысьяс (водзö – отсасысьяс)» кывъясöн;

б) «муниципальнöй районъяслöн либö» кывъяс вежны «муниципальнöй районъяслöн, муниципальнöй кытшъяслöн либö» кывъясöн;

2) 2 – 6 юкөнъясын «öтйöза петкöдлысьлысь» кывъяс лöсялана лыдын да вежлöгын вежны «отсасысьлысь» кывйöн лöсялана лыдын да вежлöгын.

11. 23 статьяын:

1) медводдза абзацын «Öтйöза петкöдлысь» кывъяс вежны «Отсасысь» кывйöн;

2) витöд абзацын «меставывса асвеськöдлан органъясын» кывъяс водзö содтыны «Коми Республикаса» кывъяс.

12. 28 статьяса 2 – 4, 4¹, 4², 5 юкөнъяс киритны.

2 статья. Тайö Оланпасыс вынсялö сйöс официальнöя йöзöдöмсянь дас лун кольöм мысти.

Коми Республикаса Юралысь

В.В. Уйба

Сыктывкар

2021 вося рака тöлысь 2 лун

8-РЗ №